

licentiatus in jure canonico, vel alias idoneus. Et modo capitularis has qualitates habeat, cæteris paribus præferendus est extraneo, etiamsi hic dignior sit (1).

Licet autem capitularis cæteris paribus præferendus sit, non est tamen de necessitate, ut vicarius eligatur de gremio capituli (2), sicut aliqui existimant (3), quia Concilium Tridentinum nihil de capitulari, neque de cive, neque de dicecesano eligendo vel indirecte præscribit; et externum eligendum etiam non improbat, dum de vicario generali confirmando facit mentionem, qui alienus a dioecesi esse potest (4).

VII. An parochus in vicarium capitularem eligi potest? Nulla lex generalis parochum excludit; indirecte tamen, ob legem nempe residentiæ, excluditur parochus ille, cuius parochia est extra civitatem Episcopalem. Generaliter etiam sunt officia non bene compatibilia (5). Attamen juxta decreta S. Congregationis Episc. (6) parochus in eadem civitate Episcopali, vicarius capitularis esse potest, modo, ut limitatur per S. Congregationem Concilii (7) concurrat paucitas numeri parochianorum, et vicinitas ecclesiæ parochialis cum ædibus Episcopalibus (8).

VIII. Nominatus, electus aut præsentatus ad Episcopatum a capitulo aut a principe civili, vicarius capitularis ejusdem sedis Episcopalis esse non potest, ut § sequente dicetur.

Nota, si in vicarium capitularem eligatur aliquis, qui qualitates requisitas non habet, electionem illam, non esse ipso facto irritam, nec actus ab ejusmodi vicario præstitos, invalidos; sed legitimi esse superioris, causa cognita, electionem infirmare (9), nisi tamen jus aliter statuat, ut in casu sequente.

(1) S. C. C. 14 Ap. 1764, § 2, *Tyb.* Zamboni tom. 4, *Vicarius capit.* § 1.

(2) S. R. C. 9 Sept. 1594, *Melphien.*

(3) Bouix p. V, sect. 1, cap. XII; Maupied jur. can. univ. compendium p. 3, lib. 4, s. 2, c. 3, q. 3, n. 1.

(4) Cardinalis de Luca Annot. disc. 31, n. 2; Cardinalis d'Andrea in voto cit.; Scarfantonius lib. IV, tit. VII, animadv. 34; Barbosa de canon. cap. 42, n. 37; Hermes cap. VI, § 1, n. II; De Angelis, *Prælect. jur. can.* lib. 1, tit. XXVIII, n. 19.

(5) S. C. C. 17 Jul. 1655, dub. 2, *Sulmonen*, apud Zamboni *Vicarius capitul.* § 1, n. 18.

(6) 19 Mart. et 19 Jul. 1619, *Ortonen*, apud Lucium Ferr. *Vicarius capitul.* art. 1, n. 41.

(7) 11 Jul. 1626, *Asten*, dub. 2, apud Zamboni *Vicarius capit.* § 1, n. 9.

(8) Lucius Ferraris loco cit. Barbosa de canon. cap. 42, n. 38; Hermes cap. VI, § 3; Bouix p. V, sect. 1, cap. XIII.

(9) Hermes loco cit. § 1, in fine; *Revue théol.* 1862, fol. 241.

§ 3. *Præsentatus, nominatus aut electus in Episcopum alicius dioecesis, non potest esse vicarius capitularis ejusdem Sedis Episcopalis.*

I. Præsentatus vel nominatus in Episcopum ab imperatore, rege aliave laica potestate, aut electus a capitulo, numquam in vicarium capitularem eligi potest juxta litteras Apostolicas SS. D. Pii IX, *Romanus Pontifex* quinto kalendas Septembri 1873, in quibus habentur ea quæ sequuntur: « Hac autem occasione declaramus » etiam, et decernimus ea, quæ a Gregorio X decessore Nostro in » Consilio Lugdunensi 2º de electis a capitulo, constituta sunt (1) » comprehendere etiam nominatos et præsentatos a supremis » publicarum rerum moderatoribus, sive imperatores sint, sive » reges, sive duces vel præsides, et quomodocumque nuncupen- » tur, qui ex S. Sedi concessione, seu privilegio, jure gaudent » nominandi, et præsentandi ad Sedes Episcopales in suis respec- » tivis ditionibus vacantes, abolentes idcirco, cassantes et penitus » annullantes usum, seu potius abusum sub quovis titulo, vel » prætenso et asserto privilegio, quæsito colore, et quacumque » causa, licet speciali et expressa mentione digna, in quibusdam » regnis seu regionibus præsertim longinquis inventum, quo capi- » tulum ecclesiæ cathedralis vacantis obsequens invitationi seu » mandato, licet verbis deprecatoriis concepto, supremæ civilis » potestatis concedere et transferre præsumit, ac de facto concedit » et transfert in nominatum et præsentatum ad eamdem ecclesiam » illius curam, regimen et administrationem, eamque nominatus » et præsentatus sub nomine provisoris, Vicarii generalis, aliove » nomine gerendam suscipit ante exhibitionem litterarum Aposto- » licarum, uti superius dictum est, de more faciendam, remoto » proinde Vicario capitulari, qui ex juris dispositione toto tempore » vacationis ecclesiæ eam administrare ac regere debet. Confir- » mantes autem alia etiam decessorum nostrorum et præsertim » sa: me: Pii VII Decreta et dispositiones, declaramus et decer- » nimus, ut si interea Vicarius capitularis decesserit, aut sponte » sua muneri renuntiaverit, aut ex alia causa officium ipsum legi- » time vacaverit, tunc capitulo, vel capitulo deficiente, qui » potestatem habet deputandi vacantis ecclesiæ administratorem,

(1) Cap. *Avaritiæ de Electione* in 6.

» seu vicarium, novum quidem Vicarium, vel administratorem
» eligat, nunquam vero electum in Episcopum a capitulis, aut a
» laica potestate nominatum seu præsentatum ad dictam ecclesiam
» vacantem, cuius electionem ac deputationem, si eam capitulum,
» vel alius, ut supra, peragere præsumperit, cassamus, annulla-
» mus, et omnino irritam declaramus.

» Confidimus autem dignitates, et canonicos cathedralium eccl-
» esiarum vacantium, ac illos qui, deficientibus capitulis, Vicarios
» deputant, aut vacantes ecclesias legitime administrant, plene
» exequuturos quæ hisce nostris litteris declarata et decreta sunt;
» ubi vero, quod Deus avertat, ea exequi detrectaverint, ac con-
» cedere et transferre in nominatum et præsentatum ad eamdem
» ecclesiam ejus curam, regimen et administrationem sub quovis
» titulo, nomine, quæsito colore ausi fuerint, præter nullitatem
» jam decretam prædictæ concessionis et translationis, præfatos
» canonicos ac dignitates excommunicationis majoris, nec non pri-
» vationis fructuum ecclesiasticorum beneficiorum quorumcumque,
» aliorumque reddituum ecclesiasticorum per eos respective obten-
» torum, similiter eo ipso incurrendis poenis innodamus, et innodatos
» fore decernimus, et declaramus; ipsarumque poenarum absolu-
» tionem seu relaxationem Nobis et Romano Pontifici pro tempore
» existenti dumtaxat specialiter reservamus.

» In easdem poenas pariter reservatas ipso facto incurrint
» nominati, et præsentati ad vacantes ecclesias, qui earum curam,
» regimēt administrationem suscipere audent ex concessione, et
» translatione a dignitatibus et canonicis aliisque, de quibus supra,
» in eos peractam, nec non ii, qui præmissis paruerint, vel auxilium,
» consilium aut favorem præstiterint, cujusque status, conditionis,
» præminentiae et dignitatis fuerint.

» Præterea nominatos, et præsentatos jure, quod eis per nomi-
» nationem et præsentationem forte quæsitus fuerit, decernimus
» eo ipso privatos.

» Si vero aliqui ex prædictis Episcopali chartere sint insigniti
» in poenam suspensionis ab exercitio Pontificalium, et interdicti
» ab ingressu ecclesiæ ipso facto, absque ulla declaratione incident,
» S. Sedi pariter reservatam.

» Insuper quæcumque a sic nominatis et præsentatis in admi-
» nistratione vacantium ecclesiarum intrusis fiant, mandentur,
» decernantur et ordinentur cum omnibus et singulis inde quovis
» modo sequutis, et quomodocumque sequuturis omnino nulla, inva-

» lida, inania, irrita, et a non habentibus potestatem damnabiliter
» attentata, et de facto præsumpta, nulliusque valoris, momenti et
» efficacæ esse, et perpetuo fore tenore præsentium declaramus
» et decernimus, illaque damnamus et reprobamus » (1).

II. Sicut juxta præfatas litteras Apostolicas Pii IX præsentati
et nominati a laica potestate, atque electi a capitulo, eligi nequeunt
in vicarium capitularem; sic etiam nominati a Sede Apostolica ad
Episcopatum, eligi nequeunt ejusdem Episcopatus Vicarii capitu-
lares. Hoc constat ex Decretali *Injunctæ* in Extrav. comm. lib. 1,
tit. 3, de electione, ubi Bonifacius VIII sic disponit: « Sancimus
» ut Episcopi et alii prælati superiores... quocumque nomine cen-
» seantur, qui apud dictam Sedem (Apostolicam) promoventur,
» aut confirmationis, consecrationis... munus recipiunt, ad com-
» missas eis ecclesias... absque dictæ Sedis literis hujusmodi,
» eorum promotionem, confirmationem, consecrationem continen-
» tibus, accedere, vel bonorum ecclesiasticorum administrationem
» accipere non præsumant: nullique eos absque dictarum litera-
» rum ostensione recipiant aut eis pareant, vel intendant. Quod si
» forsitan contra præsumptum fuerit, quod per episcopos, prælatos...
» prædictos medio tempore actum fuerit, irritum habeatur. » Si
igitur nullis eos recipere, eis parere vel intendere liceat; item si
quod per Episcopos nominatos, mediò tempore inter nominationem
eorum et inter acceptiōnem ac exhibitionem litterarum Apostoli-
carum actum fuerit, irritum habeatur; sequitur ipsos hoc tempore
intermedio constitui non posse vicarios capitulares, quia omnia
quæ agunt, irrita forent, et viribus non subsisterent. Quinimo
juxta Constitutionem SS. D. Pii IX *Apostolicæ Sedis* 1869 « sus-
» pensionem ipso facto incurrint a suorum beneficiorum percep-
» tione capitula ecclesiarum aliique omnes, qui ad illarum regimen
» et administrationem recipiunt Episcopos apud S. Sedem quovis
» modo provisos, antequam ipsi exhibuerint litteras Apostolicas de
» sua promotione. »

III. Si eum, qui jam vicarius capitularis alicujus dioecesis con-
stitutus est, Episcopum ejusdem dioecesis nominet Sedes Apostolica,
præsentet aut nominet rex aliave potestas laicalis, aut eligat

(1) Vid. Mazzarelli, Observations sur l'administration capitulaire des Évêques nommés; Hermes dissertation de capitulo sede vacante c. VI, § 4; Analecta juris Pontif. 1869, sér. 10, fol. 488; Soglia edit. 2, Paris, Institut. juris priv. § 23, ita ut improbabili, falsa et omnino relinquenda sit opinio S. M. Veechiotti, contrarium proponentis in alia edit. ejusdem operis C. Soglia, § 23.

capitulum; his casibus ille nominatus, præsentatus aut electus in Episcopum, illico munus vicarii capitularis demittere potest. Cum enim Concilium Tridentinum sess. 24, cap. 16 de reform. jussuerit, Episcopum ad vacantem ecclesiam promotum de iis quæ ad eam spectant, ab oœnomo, vicario et aliis quibuscumque, sede vacante constitutis, rationem exigere; perspicuum est, vicarii capitularis et futuri Episcopi personas esse distinctas, cum sibi nemo rationem reddat. Præterea in cap. *Avaritiæ* in VI, lib. 1, tit. VI de electione c. V, constitutum est “ut nullus de cetero administrationem dignitatis, ad quam electus est, priusquam celebrata de ipso electio confirmetur: sub oœnomatus, vel procreationis nomine: aut alio de novo quæsito colore: in spiritualibus vel temporibus, per se vel per alium, pro parte vel in totum, gerere vel recipere, aut illis se immiscere præsumat. Omnes illos, qui secus fecerint, jure, si quod eis per electionem quæsitus fuerit, decernentes eo ipso privatos.” Similia statuta sunt in Decretali *Injunctæ* et in Constitutione Pii IX *Romanus Pontifex* supra allatis. Insuper Pius VII in suis litteris ad vicarium capitularem ecclesiæ Florentinæ 4 Decembbris 1810, et aliis ad vicarium capitularem ecclesiæ Parisiensis 19 Decembbris ejusdem anni, pronuntiavit, Episcopos ad eas sedes nominatos administrationi earumdem Sedium recipiendæ, gerendæque sub vicarii capitularis, aut alio quovis nomine inhabiles prorsus esse, atque adeo administrationem hujusmodi non modo improbandam, verum etiam irritam et nullam fore, quoniam adversus sanctissimas Ecclesiæ leges, ejusque vigentem disciplinam attentaretur, et manifeste tenderet ad principia legitimæ missionis obscuranda et destruenda. Cum igitur Episcopi nominati et electi ante acceptiōem et exhibitionem litterarum Apostolicarum interdicantur, ne sub ullo unquam titulo administrationi ecclesiarum, ad quas electi vel nominati sunt, se ingerant; quinimo cum inhabiles declararentur, ne sub vicarii capitularis aut alio quovis nomine ecclesiam administrent: consequens est, ipsos statim ac in Episcopos earumdem ecclesiarum, quas ut vicarii capitulares administrant, eliguntur vel nominantur, ab administratione cessare debere, munusque vicarii capitularis dimittere (1). His tamen non obstantibus censet De Angelis (2) vicarium capitularem, qui eligitur vel nominatur ejusdem ecclesiæ

(1) *Soglia*, Instit. juris priv. § 23, edit. 2 Paris; *Hermes* loco cit.

(2) *Præelectiones juris can.* lib. 1, tit. V, n. 13 et tit. XXVIII, n. 23.

Episcopus, valere diœcesim administrare; et dicit, hanc sententiam in jure magis fundatam esse, quia omnia jura quæ allegantur, loquuntur non de titulo antea quæsito, sed de titulo noviter quæsito, et de arcenda fraude contra legem, quæ fraus in hoc casu verificari non potest.

§ 4. An omnes idonei et habiles pro electione vicarii capitularis admittendi sunt, nullusque prævie excludendus?

Fieri posset, ut capitulares inter se convenient, et statuerent, excludere talem vel talem, cæteroquin idoneum. Quod si eveniret, peti posset, an valeret electio vicarii capitularis? Respondet Pignatelli (1) “negative, quia quilibet idoneus de jure potest eligi, atque adeo non potest a concursu repelli (2). Eademque ratione non potest Episcopus repellere concurrentem ad parochiale. Rejectio enim idonei vim habet voluntariæ coarctationis ad certum numerum eligendorum, quæ non permittitur electoribus in præjudicium aliorum; solumque coarctationes permittuntur post factum scrutinium, dummodo omnes in eo fuerint admissi, et tanquam minus idonei rejecti; at a scrutineo non debent repelli; et si quis repellatur, ex hoc ipso electio dicitur restricta et coarctata.” Quapropter cum quilibet de capitulo, qui est doctor, censeatur idoneus ad munus vicarii capitularis, si fuerit rejectus a scrutineo, et ipse etiam extrajudicialiter reclamaverit vel appellaverit, electio remanet nulla. Quod si ille, qui reclamavit et appellavit, postea in electione facta votum suum dederit, licet cum protestatione non renunciandi juri suo, cum hæc sit contraria facto, non invalidat electionem (3).

§ 5. An unus vel plures vicariis capitulares constituendi?

I. Ante Concilium Tridentinum de jure communi licebat capitulis unus vel plures vicarios constituere (4).

(1) T. VI, cons. 92.

(2) Rota decis. 65, n. 6, parte 1, rec.

(3) Ita Scarfantonius lib. IV, tit. VII, animadv. 30-32; Vid. etiam Bouix de capitulo p. V, s. 1, cap. XVII, § V.

(4) Fagnanus in 2, p. I, Decretal. De major. et obed. c. *His quæ*, n. 68.